

# Нюлэс дасянлэн 4-ти кварталэлзлэсь планээ 25-ти январозь одно ик быдэстоно

Быдэс дуннеысь пролетар'ёс, огазеяське!

## Коммунае СЮРЕС

ВКП(б)-лэн Балезино Райкомезлэн но РИК-лэн газетсы

16-ти январе

1938 аре № 5 (595)

СССР-ысь Совнаркомлэсь но ВКП(б) ЦК-лэсь нюлэс дсян планээ вакчи дыр куспын быдтоно шуса указаниоссэс тросэв колхоз'ёс уж вылын уг быдэс'яло. Нюлэс дсянлэн 4-ти кварталэлзлэн планээ Быдыпи колхозын 136 кбм. гинэ быдэстэмын. Озы ик быдэскын сельсоветаз но план жыныиз но быдэстымтэ.

Вөөгурт, Б-Варыж но мукет сельсовет'ёс нюлэскы кулэз'я бригадаос организовать карыны өз быгатэлэ на.

Али вань сельсовет но колхоз председательслэн ужы—нюлэс дсянлэсь 4-ти кварталээ 25-ти январозь но 1938 арлэн 1-ти кварталэлзлэсь планээ 1-ти февралэзь быдэстон луэ. Со лы понна нюлэс ужысь вань вредительствоз быдтоно, таңе ужлы пумит'яськисьёсты выжыеныз ик пороно!

### Агитатор'ес партие пыро

СССР-лэн Верховной Советаз быр'ён дыр'я тросэз агитатор'ес асьсэлэсь активностысэс возматйзы, соин чош ик политической тодонээс но жутйзы. Озы бере соос партилэсь политиказэ умой валазы но али партилэн радз пыро ни.

Комсомолец'ёсты, беспартийной большевик'ёсты, куд'ёсыз асьсэлэсь ужэс честно но самоотверженно быдэс'яло, куд'ёсыз родиналы зэмоз преданной луыса ужало сыңе адямиосты партилэн радаз кысконо.

Асьме районн сыңе адямиос, куд'ёсыз Верховной Советэ бырйиськонн зэмоз активностысэс возматйзы, соос партие пыро. Кылсярысь, Шолоково колхозысь доверенной Иванов А. Ф. ВКП(б) кандидатэ пыртэмын. Озы ик транспортысь Афанасьев ВКП(б) кандидатэ но Ворончиха колхозысь агитатор Завалин И. Ф. партия пыртэмын.

Верховной Советэ бырйиськонлы дасяскон дыр'я умой ужась агитатор'ес али партия пырыны куриськон'ёс сэт'яло, соослэн активностысы нуналысь-нуналэ будэ но юлма.

Берло нунал'ёсы со агитатор'ес, довереннойёс но участковой избирательной комисиослэн член'ёсыз пöлысь тросэз районной организациосы ответственной уж'ёсы выдвинуть каремын луозы. Али та агитатор'ес пöлысь умой'ёссэ райисполком подбирать карылэ ни.

Та агитатор'еслы асьсэлэсь ужэс ношна кужмоятоно. Верховной Советэ быр'ён дыр'я кад ик тулыс ю кизёнлы дасяскон'я коркась корка агитировать карыса ветлоно.

### Выль вормон'ёсын пумитазы

СССР-лэн Верховной Советэзлэн нырысетй сессиез 12-ти январе усьтыськиз. Та нуналэз бадзым вормон'ёсын ознаменовать карыны понна асьме районьсь тросэз колхоз'ёс кутсан'ёссэс быдэстйзы.

Верховной Советлэсь нырысетй сессиез Кестым, Вөөгурт, Н-Волково но Извиль сельсовет'ёс кутсаськон'ёссэс быдэстыса выль вормон'ёсын пумитазы.

В. Перовищиков.



Москва городысь Сталинской избирательной округысь избирательслэн предвыборной собраниязы 11-ти декабре 1937 аре Большой театрын И. В. Сталин эшлэн выступлениез.

„Избирательёс, калык ас депутат'ёссылэсь требовать кароно луо, чтобы соос (депутат'ёс) ас задачаоссылэн высотаязы мед кылёзы, чтобы соос ас ужазы политической обывательслэн уровеньзы дорозь медам лэзиське, чтобы ленинской типлэн политической деятельёсызлэн постаз мед кылёзы, чтобы соос сыңе ик ясной но определенной деятельёсын мед луозы, кыңе, вал Ленин...“

(Сталин)



Электрокомбинатысь эскурвант'ёс зал'ёсысь одйгаз выставкаын.

Грузинской ССР-ысь (Третьяковской галерея) искусстволэн выставказ В. В. Куйбышевлэн нимыныз нима электрокомбинатысь ламповой заводлэн мастерын А. А. Славновалэн кивалтэм улсаз ужасьёслэн группазы ветлиз. Электрокомбинатысь ужасьёслэн предвыборной собраниязы, со, Союзлэн Советаз депутатэ Сталинской избирательной округлэсь И. В. Сталин эшлэсь кандидатуразэ выдвинуть кариз.

### Комсомолец'ёс нюлэс дсянээз куашкато

Комсомол котыкыңе ужын ик колхозник'ёслы но колхозницаослы пример возматйны кулэ. Нош асьме районьсь куд-ог комсомольской организациослэн ужзы ляб пунктэмын. Трос дыр'я ВЛКСМ-лэсь уставзэ мур-мур тйяло.

Асьме районьсь нюлэс дсян'я чиданы луонтэм бере кыле. Нюлэс дсянлэн 4-ти кварталэлзлэсь планээ 33 процентлы гинэ быдэстэмын. Таңе лыдпус асьмелэсь ляб ужаммес возматэ. Соин ик ВЛКСМ член'ёслы колхозник'ёс пöлын массовой уж нуоно но асьсэлы лично нюлэскы мыныса вань ужасьёслы пример возматно вал.

Б-Варыж КСМ организацилэн секретарез аслэстыз комсомолец'ёссэ воспитать карыны өз быгаты на. Татысь Касаткин но Семенов комсомолец'ёс нюлэс ужлэсь легаса ветло.

Таңе ужэсты ВЛКСМ-лэн райкомез но уг тодылы. Комсомолец'ёсты нюлэскы организовать карон интйе, куд-ог комсомолец'ёс асьсэос, нюлэс ужлы пумит султо.

Сельсовет'я нюлэскы 21 валэн но 15 пыдын мынэмын. Со тырмыт овёл. 4-ти кварталлэсь планээ 25-ти январозь быдэстон понна нюлэскы ужась 3 полэс трос ыстоно.

Касаткин но Семенов комсомолец'ёс шонерак нюлэс дсянээз куашкато. Колхозник'ёс пöлын массовой уж уг нуо.

Таңе ужэсты райкомол эскероз но уждрад кутоз дыр. Русских.

### Кизёнлы дасясконэз но нюлэс дсянээз умоятоно

Ю кидыс кисьтон районн формаз'я гинэ ортытйське. Колхоз'ёсын кидыс кисьтылэмын ке но сое тырмыт шуыны уг луы на. Тросаз сельсовет'ёсын (Быдыпи, Вөөгурт, Бурино но озы ик мукет'ёсаз) кидыс'ёс одйг но шертимтэ на. Быдыпи сельсоветын триерзы но луыса сое уй нунал чоже уже өз кутэ на. Сельсоветлэн председателез Васильев, кизён аелы дасясконээз пумақ куашкато. Триер машинаез уже кутэм сярэсь но инвентарез ремонтировать карем сярэсь со номыр уг тоды.

Та дырозь ужась кужым но нюлэскы тырмыт ыстэмын овёл на. Мар бордысен таңе бюрократической уж'ёс пото? Нырысь ик вредительствозен нур'яськымтэ бордысен, классовой тушмонлэсь агитацизэ чигтыны өз бытатэ на. Быдыпи сельсоветын нюлэс дсянлэн 4-ти кварталээз быдэстымтэ. Кызы быдэстозы нюлэс ужез Васильев кырыж учке. Е,

**СВОДКА**

(10 январь процентэн возматэтын)

Сельсовет'ёс	Часей	Сэзы	Йыды	Вика	Кожы	Вань зерно-войёс	Зег	Ейи кидыс	Клевер кидыс
Буринь	100	100	100	70	100	100	66	88	50
Балезино	100	100	100	25	100	98	98	46	40
Оросово	84	100	100	30	100	95	83	31	51
Исидоринь	100	100	100	—	100	97	17	12	16
Б-Варыж	90	88	100	—	100	89	48	—	53
Наговицино	100	100	100	10	100	100	100	67	90
Турецкой	75	100	97	15	100	97	82	94	85
Безгон	100	100	100	85	100	100	65	97	85
Буринь МТС'я	92	99	99	50	100	98	70	52	60
Быдыпи	100	100	100	9	100	100	100	—	28
Вёегурт	100	100	100	—	100	97	77	32	16
Н-Волково	90	100	95	18	100	95	41	50	20
П-Май	100	100	100	—	100	94	31	35	12
Исаково	100	100	100	—	0	95	60	—	10
Ушур	100	100	100	—	100	95	43	—	14
Ягошур	100	100	100	25	100	93	38	—	6
Юнда	100	100	100	—	100	95	46	—	10
Пыбья	58	93	71	—	100	85	25	—	21
Пыш ец	94	100	100	21	100	94	85	55	15
Кестым	100	100	100	21	100	98	100	60	3
Извиль	0	100	100	—	50	96	100	—	16
Балезино МТС'я	95	99	99	11	98	95	60	49	15
Район'я.	94	99	95	16	93	96	63	50	3

**Кизёнлы дасяськон куашкамын**

Тулс ю кизён азелы дасяськон районьны чиданы луонтэм ляб ортчйтське. Та дыро в тросаз колхоз'ёсын кизёнлы кулэ луись машинаосты но ремонтить карыны кутскылымтэ на. Сиес'ёс, биньгозыос пума дасятэк аналтэмын.

Одйгетй Вёегурт колхозын плуг'ёсты ремонтить карыса быдэстйзы ке но, кизыны кулэ луись мукет тйрлык'ёс ремонтить карымтэ на. Озы ик Вёегурт сельсоветысь колхоз'ёс плуг'ёсты гинэ ремонтить карыны кутскыны ни.

Та сельсоветын нюлэс дасян чиданы луонтэм ляб ортчйтське. Кылсярысь, кыктэтй Вёегурт колхозысь 4 мурт нюлэскы ужаны ыстэмын вал. Таос 21-тй раз'езде

вуыса „жуг ём шедьтэ“ шуса берен гуртазы бертиллям. Таче случайёс одйг пол гинэ уг луыло. Кин та мн янгышез? Нырысь ик сельсовет но колхоз председателёс. Соос нюлэскы бригада ысто ке, та бригадае ответственной уг юнматэ.

Вёегурт сельсоветысь колхоз'ёсын шертон машинаос луыса но кидысез шертон нокытчы ярантэм ляб ортчйтське. Сельсоветлэн председателез Корепанов аслаз ужаз обед котыр гинэ вуылэ. Озы ик кыктэтй Вёегурт колхозлэн председателез Сычугов но кивалтон интйе бездельничать карыса улэ. Ужась кужым нюлэскы уг ысты.

Чирков.

**Редакцияе гожтэт'ёс пöлысь**

Артель Оросово колхозын ревизия ортчем дырысен жыны ар ортчиз ни. Нош ревизиялэн результат'ёсыз сярысь колхозник'ёс чик уг тодо.

Ревизионной комиссилэн председателез Владыкин Семен Алек-

сандрович „мал мынэсьтым юась-коды, мон визьтэм“—шуса палэнске. Милям, колхозник'ёслэн туж тодэммы потэ, кыче мар колхоз правленилэн ужез, кöня солэн юнянез, коньдонез быдтэмын?


С.

Шочёк колхоз тулс ю кизён азелы нокыче ужрад уг куты. Плуг'ёс но машинаос одйгез но ремонтить карымтэ на. Вал кыткет тйрлык'ёс дась бвёл. Гырон но ветлон сиес'ёс колхозник'ёслэн киосазы октэмын. Кол-

хозлэн председателез Васильев ю кизён азе дасяськон интйе, толэзь чоже юыса улэ ни. Озы ик нюлэс уж но татын пума куашкамын.

Васильев

Киевской завод контрольно-измерительной паромера „Кольцевой вес“, прибор'ёслэсь производствоз освоить кариз. Та аппарат пар расходовать каремез ляд'яны кунгож съёрысь вайылськылйз. Завод нырысетйзэ 5 аппарат дасяз ни. 1938 аре паромер'ёс серийной производствоз лэземын луозы.



Слесарь—стахановец С. И. Гайзман паромерез монтировать каре.

**Китайын военной действоос**

**Центральной Китайын**

**Ханькоу**, 8 январе. Тяньцзиньлэн южной участокезлэн сектораз (Пукоуской чугун сюрес вылын) японской войскоослэн Мингуань вылэ атака лэсьтонзы китаец'ёсын 7 январе отбить каремын вал.

Китайской самолет'ёс Ухуысь аэродромез 7 январе чукна бом-

ковать каро. Паллян пал флангын, японской главной кужым'ёс. Синтайлэн юг палазгес люкаськемын. Бурпал флангын бойёс Цзиннин котырын мыно.

**Южной Китайын**

**Лондон**, 8 январе. 6 январе, японской самолет'ёс Пакхоысь порт'ёсты бомбардировать каризы



Китайской войскоос японц'ёслэсь талам пöзициссез возымало.

бардировать каризы. Озы ик солюс соку Уху котырын Янцзы шурын сылсь японской военной корабльёсты бомбардировать каризы.

**Шанхай**, 9 январе. Энергичной контрнаступление лэсьтыса, китайской партизанской отряд'ёс Чуаншаез (Шанхай дорысен юг пала 20 километр) басьтйзы.

**Северной Китайын**

**Ханькоу**, 8 январе. Шаньдунь провинцилэн фронтаз японской войскоос кужмо наступление нуо. Соослэн наступленизы Тяньцзинь Пукоуской чугун сюрес зонаын луо. Чугун сюрес кузя азылань мыныса, янонец'ёс Тэнсянез ата-

но Саньшуйской чугун сюрес вылысь военной эшелон'ёсты пулемет'ёсысь ыбылйзы.

**Ханькоу**, 8 январе. Толон 24 японской самолет'ёс Наньчань вылэ налёт лэсьтйзы. Город вылын воздушной бой ортчиз. Город котыре 30 бомбаос куштэмын. Одйг японской самолет уськытэмын.

\*\*\*

**Лондон**, 9 январе, Шанхайысь международной сетльментлэн муниципалитетезлэн председателез Франклин, английской полицейской'ёс вылэ японец'ёсын 7 январе нападение лэсьтэм пумысь Шанхайысь японской консуллы строгой протест заявить кариз.

**Захарпи колхоз нянь вузанэз большевико мылкыдын пумитаз**

Захарпи Колхозлэн председателез Волков Дмитрий Алексеевич государстволы нянь вузаны 1 ц. договор гожтйз но со ас съобраз со бытчалы ик Таушев Никитаез ётиз. Нош Таушев Н. вызовзэс принять кариз но музон'ёссэ вызьзвать кариз.

Валентин но Волков Николай быдэн 10 кгр. гожтйськызы на. Захарпи колхоз общей собранияын рещать карыса 10 центнер-государстволы няньзэ вузаны гожтйськиз.

Колхозник'ёс но колхозницаос гожтйськыса бырем бере, Юнда школаын дышетскисьёс ас ужам няньзэс государстволы вузаны гожтйськызы. Кылсярысь: Таушев Геннадий Юнда школаын 4 гр. дышетскись 10 кгр., вузаны, Таушева Лидия 1 группаын дышетскись 10 кгр., Таушева 3 о явна 1 группаын дышетскись 10 кгр. нянь вузаны гожтйськызы Та пинал'ёс ваньзы ик одйг сем'ясы, Таушев Егор Егоровичлэн пинал'ёсыз. Таушев ачиз 80 кгр. но кышноез 20 кгр. гожтйськызы. Таушев многодетной пособие бастэ. Та ученик'ёс съёры Волков

Колхозник'ёс но колхозницаос верало, что кылем арын государство милем продовольственной, семенной, фуражной фонд лэзьылйз. Со понна партилы но правительстволы та у кариськом но туж мылкыд карыса асьмелэсь мултэс няньмес государстволы вузаськом. **А. А. Калинин.**

**Отв. редактор А. А. Гаврилов**  
**Поттйсь Райисполком.**

Я л о н

Балезино станцияе дорожной мастерлы ремонтной ужасьёс кулэ.